

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-04-9207/20
Tuzla, 12.03.2020. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1705, 11/06, 13/11 i 15/17) Vlada Tuzlanskog kantona, na sjednici održanoj dana 12.03.2020. godine, d o n o s i

Z A K L J U Č A K

I

Na osnovu Naredbe Kriznog štaba Federalnog ministarstva zdravstva broj: 01-33-1426/20 od 11.03.2020. godine, te nakon analize stanja na području Tuzlanskog kantona i u okruženju u vezi sa korona virusom (COVID-19), a u cilju preventivnog djelovanja i zaštite stanovništva, Vlada Tuzlanskog kantona podržava odluku Ministarstva obrazovanja i nauke da obustavi nastavu u svim odgojno-obrazovnim ustanovama u Tuzlanskom kantonu u periodu od 12.03.2020.godine do 25.03.2020. godine.

Ministarstvo obrazovanja i nauke će izdati odgovarajuće preporuke ustanovama za obrazovanje odraslih, kao i ustanovama predškolskog obrazovanja da u saradnji sa svojim osnivačima poduzmu sve potrebne mjere i aktivnosti u cilju prevencije i zaštite štićenika, odnosno polaznika kao i uposlenika tih ustanova. Potrebno je da se u ustanovama predškolskog obrazovanja svakodnevno provode odgovarajuće sanitarno-higijenske mjere.

Tokom perioda iz prethodnog stava, pratit će se dalje odvijanje situacije i u skladu sa tim predlagati adekvatne mjere.

II

Zadužuje se Ministarstvo obrazovanja i nauke da u saradnji sa direktorima svih obrazovnih ustanova na području Tuzlanskog kantona, kao i Zavodom za javno zdravstvo Tuzlanskog kantona i nadležnim higijensko-epidemiološkim službama organiziraju i provedu dezinfekciju prostorija odgojno-obrazovnih ustanova na području Tuzlanskog kantona, a pred početak nastave u tim ustanovama.

Zadužuje se Kantonalna direkcija robnih rezervi da izvrši nabavku dezinfekcionih sredstava za dezinfekciju prostorija svih organa državne službe i drugih javnih ustanova čiji je osnivač Tuzlanski kanton, a po prethodno dostavljenoj specifikaciji potrebnih količina dezinfekcionih sredstava.

Novčana sredstva za dezinfekciju prostorija iz stava 2. ove tačke osigurat će se u Budžetu Tuzlanskog kantona za 2020. godinu sa potrošačke jedinice-11050001-Tekuća rezerva-.

III

Preporučuje se organizatorima skupova i manifestacija koje pretpostavljaju okupljanje većeg broja ljudi da u cilju preventivne zaštite stanovništva i sprečavanja širenja korona virusa sagledaju mogućnosti odgađanja svih planiranih aktivnosti u tom smislu, ili eventualno ograničavanja tih skupova i manifestacija na relativno manji broj osoba u odnosu na ono što je planirano i uobičajeno.

IV

Nalaže se građanima na području Tuzlanskog kantona koji se, po osnovu preduzetih mjera i aktivnosti nadležnih organa i ovlaštenih pojedinaca, nalaze u kućnoj izolaciji i pod zdravstvenim nadzorom da poštuju propisane preventivne mjere, na što ih obavezuju i zakonske odredbe, a takođe će u slučaju potrebe biti preduzete represivne mjere, a sve u interesu građana Tuzlanskog kantona.

Nalaže se građanima koji putuju i dolaze na područje Tuzlanskog kantona da, u cilju svoje zdravstvene zaštite i zaštite zdravlja drugog stanovništva, poštuju propisane mjere prevencije i kontrole i javljanja nadležnim organima i institucijama radi potrebnih provjera, a u slučaju pojavljivanja simptoma korona virusa upućivanja na dalje postupanje prema datim nalogima i uputama.

V

Vlada Tuzlanskog kantona će obezbijediti odgovarajuća sredstva za nabavku nedostajućih respiratora za potrebe JZU UKC Tuzla, kao i sredstava za angažovanje odgovarajućeg broja sanitarnih inženjera na JP Međunarodni aerodrom Tuzla, u svrhu obavljanja neophodnih radnji i sanitarno-epidemioloških pregleda putnika koji putuju preko ovog aerodroma.

Novčana sredstva za realizaciju obaveza iz stava 1. ove tačke osigurat će se u Budžetu Tuzlanskog kantona za 2020. godinu sa potrošačke jedinice-11050001-Tekuća rezerva-.

VI

Zadužuje se Ministarstvo zdravstva da predloži odluke o odobravanju sredstava sa pozicije tekuće rezerve u cilju realizacije obaveza iz tačke II i V ovog zaključka.

Zadužuju se Kantonalna direkcija robnih rezervi za distribuciju dezinfekcionih sredstava korisnicima iz ovog zaključka.

Zadužuju se svi korisnici kojima je izvršena distribucija dezinfekcionih sredstava da dostave izvještaj o namjenskom utrošku Ministarstvu zdravstva.

Zadužuju se JZU UKC Tuzla i JP Međunarodni aerodrom Tuzla da dostave izvještaj o namjenskom utrošku sredstava Ministarstvu zdravstva.

VII


Traži se od gradova i općina na području Tuzlanskog kantona da poduzmu neophodne aktivnosti i mjere kako bi se u ustanovama i preduzećima iz nadležnosti gradova, odnosno općina provele potrebne mjere na zaštiti stanovništva.

VIII

Ovaj Zaključak stupa na snagu danom donošenja.

DOSTAVITI:

- 1 x Svim ministarstvima
- 1 x Ministarstvu zdravstva-Krizni štab
- 1 x Svim gradovima i općinama na TK
- 1 x Evidencija
- 1 x a/a



PREMIJER KANTONA

Prof. dr. Denijal Tulumović